

Еуразиялық экономикалық комиссия Кеңесінің 2017 жылғы 20 желтоқсандағы № 107 шешіміне өзгерістер енгізу туралы

Еуразиялық экономикалық комиссия Кеңесінің 2022 жылғы 15 сәуірдегі № 59 шешімі.

Еуразиялық экономикалық одақтың Кеден кодексінің 266-бабының 2 және 3-тармақтарына сәйкес Еуразиялық экономикалық комиссия Кеңесі шешті:

1. Қосымшаға сәйкес Еуразиялық экономикалық комиссия Кеңесінің 2017 жылғы 20 желтоқсандағы "Жеке пайдалануға арналған тауарларға байланысты жекелеген мәселелер туралы" № 107 шешіміне өзгерістер енгізілсін.

2. Осы Шешім ресми жарияланған күнінен бастап күнтізбелік 10 күн өткен соң күшіне енеді.

Еуразиялық экономикалық комиссия Кеңесінің мүшелері:

Армения	Беларусь	Қазақстан	Қырғыз	Ресей
Республикасынан	Республикасынан	Республикасынан	Республикасынан	Федерациясынан
М. Григорян	И. Петришенко	Б.Сұлтанов	А.Кожошев	А. Оверчук

Еуразиялық экономикалық
комиссия Кеңесінің
2022 жылғы 15 сәуірдегі
№ 59 шешіміне
ҚОСЫМША

Еуразиялық экономикалық комиссия Кеңесінің 2017 жылғы 20 желтоқсандағы № 107 шешіміне енгізілетін ӨЗГЕРІСТЕР

1. Көрсетілген Шешімге № 1 қосымшаның 2-тармағында екінші графада бірінші және екінші абзацтар мынадай мазмұндағы абзацтармен ауыстырылсын:

"Армения Республикасы үшін: құны 500 еуроға баламалы сомадан аспайды және (немесе) салмағы 25 кг аспайды

Беларусь Республикасы, Қазақстан Республикасы, Қырғыз Республикасы және Ресей Федерациясы үшін: 2022 жылғы 1 қазанға дейін - құны 1000 еуроға баламалы сомадан аспайды және (немесе) салмағы 31 кг аспайды; 2022 жылғы 1 қазаннан бастап - құны 500 еуроға баламалы сомадан аспайды және (немесе) салмағы 25 кг аспайды".

2. Көрсетілген Шешімге № 2 қосымшаның 1-кестесінде 2-графада екінші мәтін мынадай редакцияда жазылсын:

"Армения Республикасы үшін: құны 500 еуроға баламалы сомадан аспайды және (немесе) салмағы 25 кг аспайды

Беларусь Республикасы, Қазақстан Республикасы, Қырғыз Республикасы және Ресей Федерациясы үшін: 2022 жылғы 1 қазанға дейін - құны 1000 еуроға баламалы

сомадан аспайды және (немесе) салмағы 31 кг аспайды; 2022 жылғы 1 қазаннан бастап - құны 500 еуроға баламалы сомадан аспайды және (немесе) салмағы 25 кг аспайды".

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК